

# **Rregullat aktuale për koronavirusin në Nordrhein-Westfalen në një incidencë mbi 100**

(Data: 26 prill 2021)

## **Çfarë ndodh në rastin e një incidence 7-ditore prej më shumë se 100? Çfarë ndodh në rastin kur është mbi 150? Dhe çfarë ndodh në rastin kur është mbi 165?**

Duke filluar nga një incidencë disaditore prej më shumë se 100 infeksione të reja për 100 000 banorë në 7 ditët e fundit në një qark të landit (vendimtare janë shifrat e bëra me dije nga RKI) aktivizohet një “frenim emergjence” që është standarde në të gjithë federatën. Kjo do të thotë konkretisht: Nëse incidenca në tre ditë njëra pas tjetrës është mbi 100, duke filluar nga dita e pasnesërme hynë në fuqi masat shtesë të përmendura në ligjin e ri për mbrojtjen kundër infeksioneve.

Nëse incidenca rritet për disa ditë mbi 150, duhet që të mbyllet dyqanet, të cilat nuk i shërbejnë furnizimeve bazë.

Nëse incidenca rritet për disa ditë mbi 165, edhe shkollat kalojnë gjithashtu në mësim në distancë dhe përfundon kujdesi në vend për qendrat ditore të kujdesit të fëmijëve duke përjashtuar kujdesin e emergjencës.

## **Çfarë ndodh nëse incidenca ulet përsëri nën 100, nën 150 ose nën 165?**

Nëse në qarkun përkatës ose në qytetin që nuk bën pjesë në një qark incidenca 7-ditore në pesë ditë të njëpasnjëshme ulet përsëri nën vlerën prej 100, 150 ose 165, duke filluar nga dita e pasnesërme pushojnë së qeni në fuqi përsëri masat e përcaktuara me vlerën përkatëse të pragut.

## **Duke filluar nga cila kohë dhe deri kurë hunë në fuqi rregullat e reja në ligjin për mbrojtjen kundër infeksioneve (“Freni Federal i Emergjencës”)?**

Rregullat e reja në ligjin për mbrojtjen kundër infeksioneve (“Freni Federal i Emergjencës”) kanë hyrë në fuqi me 23 prill 2021 dhe aplikohen në varësi të incidencës në qarkun përkatës ose në qytetin që nuk i përket një qarku përkatës më së hershmi me 24 prill 2021. Ministria e Punës, Shëndetit dhe Çështjeve Sociale bën me dije, se duke filluar nga cila ditë dhe në cilat qarqe dhe qytete që nuk bëjnë pjesë në qarqe, cilat rregulla aplikohen. Masat e “Frenit Federal të Emergjencës” e humbin fuqinë e tyre më së voni me 30 qershor 2021.

## **Ku gjendet incidencat e vlefshme?**

Një përmbledhje të të dhënave thelbësore të Institutit Robert Koch për “Frenin Federal të Emergjencës” për sa i përket incidencave në qarqe dhe në qytetet që nuk bëjnë pjesë në qarqe e gjeni këtu: [www.rki.de/inzidenzen](http://www.rki.de/inzidenzen).

## **Çfarë vlen në rastin e një incidence mbi 100 për takimet private?**

Takimet private në mjediset publike dhe private lejohen vetëm për pjesëtarët e një familje me një person nga një familje tjetër, ndërkohë që ky person mund të shoqërohet nga fëmijët nën 14 vjeç që i përkasin familjes së tij.

## **Në rastin e një incidence mbi 100 hyn në fuqi bllokimi i lëvizjes, çfarë do të thotë kjo?**

Kemi të bëjmë me një bllokim të lëvizjes nga ora 22 deri në orën 5. Por ndërmjet orës 22 dhe 24, për persona individualë, lejohet aktiviteti fizik në mjedis të hapur, p.sh. shëtitja, udhëtimi me biçikletë, vrapimi. Përveç kësaj ekzistojnë edhe arsye të justifikuara për një përjashtim nga bllokimi i lëvizjes siç janë për shembull ushtrimi i aktiviteteve personale dhe të shërbimit, rastet e emergjencës mjekësore (veterinare), ushtrimi i të drejtës së kujdesit dhe të sjelljes, kujdesi për personat të cilët kanë nevojë për mbështetje ose për minorenët, shoqërimi i të vdekurve, kujdesi për kafshët. Si përfundim bllokimi i lëvizjes nuk vlen për grumbullimet në përputhje me ligjin e grumbullimeve dhe tubimeve, të cilat i shërbejnë ushtrimit të fesë.

## **Çfarë vlen në rastin e një incidence mbi 100 për sportin?**

Mbetet i lejuar në mjedis të hapur (edhe në impiante sportive të hapura) ushtrimi i llojeve individuale të sportit, pa kontakt dhe vetëm, vetë i dytë ose me pjesëtarë të familjes vetjake. Në rastin e fëmijëve nën 14 vjeç, sporti lejohet në grupe prej maksimumi 5 personash; ato mund të shoqërohen nga persona të cilët japin udhëzime.

## **Çfarë vlen në ÖPNV (Transporti Publik i Personave në Qytete)?**

Në transportin publik të qyteteve ose ndërmjet qyteteve të personave duke përfshirë edhe taksitë vlen në përgjithësi (edhe në një incidencë në 100) detyrimi i mbajtjes së një maske mbrojtëse (FFP2 ose të ngjashme). Një maskë kirurgjikale nuk është më e mjaftueshme.

## **Cila dyqane lejohen të mbeten të hapura në rastin e një incidence prej më shumë se 100?**

Deri në një incidencë prej 150 të gjithë dyqanet lejohen që të qëndrojnë të hapura. Por megjithatë ndodhen në fuqi ndryshime për sa i përket rregullave të hyrjes. Mbi një incidencë prej 150 lejohen që të qëndrojnë të hapura vetëm dyqane të caktuara. Në detaj:

Tregjet javore, tregtia e produkteve ushqimore (duke përfshirë kioskat), tregjet e pijeve, dyqanet e produkteve të shëndetshme ushqimore, dyqanet e produkteve për bebe, farmacitë,

dyqanet e produkteve mjekësore, dyqanet e produkteve kozmetike,  
okulistët, specialist i dëgjimit,  
pikat e karburantit, pikat e shitjes së gazetave,  
libraritë,  
dyqanet e specializuar për shitjen e luleve,  
ofiçinat,  
filialet e postës, bankat,  
sallonet e larjes,  
tregjet për nevojat e kafshëve, tregjet për produktet ushqimore të kafshëve dhe tregjet e pijeve  
dhe tregtia me shumicë

mbeten gjithmonë të hapura.

Duke filluar nga një incidencë prej 100 vlen gjithashtu një kufizim më i rreptë i numrit maksimal të personave: vetëm 1 klient/kliente për çdo 20 metër katror sipërfaqe shitje të filluar (deri në një incidencë prej 100: 1 për 10 metër katror). Frekuentimi i librarive dhe tregjeve të pijeve, pavarësisht incidencës, lejohet vetëm duke caktuar një orar dhe i kufizuar në 1 klient/kliente për çdo 40 metër katror sipërfaqe shitje të filluar.

Të gjitha dyqanet e tjera të tregtisë mbeten të hapura deri në një vlerë incidence prej 150. Lejohet blerja pas caktimit të mëparshëm të orarit (“Click&Meet”) – por duke filluar nga një incidencë prej 100 vetëm nëse ekziston një rezultat negativ i testit në ditën aktuale. Lejohet një klient/kliente për çdo 40 metër katror sipërfaqe shitje të filluar.

Në rastin e një vlere incidence prej më shumë se 150 duhet që dyqanet të mbeten të mbyllura; edhe atëherë mbetet e mundur marrja e mallrave të porositura (“Click&Collect”).

## **Çfarë vlen për institucionet kulturore në rastin e një incidence mbi 100?**

Koncertet dhe shfaqjet në teatro, opera, salla koncerti dhe kinema duke përjashtuar kinematë në automjet janë – ashtu si edhe në një incidencë nën 100 – të ndaluara.

Muzetë, ekspozitat e artit, galeritë, kështjellat, kalatë, memorialët dhe objektet e tjera të ngjashme janë të hapura deri në një incidencë prej 100, pasi të keni caktuar më parë një orar. Me tejkalimin e incidencës prej 100 ato duhet të mbyllën.

## **Çfarë vlen për kopshtet zoologjik dhe kopshtet botanik në rastin e një incidence mbi 100?**

Deri në një incidencë prej 100 kopshtet zoologjik dhe kopshtet botanik janë plotësisht të hapura pas një rezervimi paraprak të takimit, kur tejkalohet incidenca prej 100 vetëm sektorët e jashtëm, përveç kësaj duhet që vizitorët në këtë rast duhet të paraqesin një rezultat testi negativ të ditës aktuale (përjashtojmë fëmijët nën 6 vjeç).

## **Çfarë vlen për institucionet e tjera për kalimin e kohës së lirë në rastin e një incidence mbi 100?**

Palestrat, parqet për kalimin e kohës së lirë, sheshet e mbyllura për zhvillimin e lojërave, klubet, sallat e lojërave të fatit, kazinotë, shtëpitë publike mbeten të mbyllura, pikat e basteve sportive dhe qendrat e solareve mbyllen.

## **Çfarë vlen në rastin e një incidence prej mbi 100 për sektorët e gastronomisë dhe hotelerisë?**

Ashtu si edhe në një incidence prej nën 100, në Nordrhein-Westfalen vlen:

Ndërmarrjet gastronomike lejohen të shesin vetëm jashtë ambientit.

Fjetjet për qëllime private nuk lejohen, për sa kohë ato nuk janë të urgjentisht të domosdoshme për shkaqe të kujdesit mjekësor ose të përkujdesjes ose për arsye sociale dhe etike.

## **Çfarë vlen në rastin e një incidence mbi 100 për shërbimet me kontakt të afërt fizik?**

Shërbimet me kontakt të afërt fizik janë të ndaluara – me përjashtim të shërbimeve mjekësore, terapeutike, të kujdesit shëndetësor ose të shërbimeve spirituale. Përveç të tjerave berberët/floktoret dhe sallonet e pedikyreve lejohen të qëndrojnë të hapura. E detyrueshme është mbajtja e një maske mbrojtëse (FFP2 ose diçka e ngjashme), gjatë vizitave te berberi/floktorja ose te salloni i pedikyrit nevojitet gjithashtu një rezultat testi negativ për ditën aktuale.

## **Çfarë vlen duke filluar nga një incidencë prej 100 dhe duke filluar nga një incidencë prej 165?**

Aktiviteti shkollor për shkak të gjendjes së tensionuar të pandemisë zhvillohet në të gjithë Nordrhein-Westfalen parimisht deri në një vendim të dytë vetëm me turne; Klasat e viteve të fundit dhe shkollat ndihmëse janë të përjashtuara nga kjo gjë.

Pjesëmarrja e nxënësve, nxënësve dhe e mësuesve në mësimin me prezencë ka si kusht kryerjen e dy testeve në javë.

Në rastin e një incidence rajonale prej më shumë se 165 përfundon mësimi me turne dhe zhvillohet mësim në distancë. Klasat e viteve të fundit dhe shkollat mbështetëse janë të përjashtuara nga kjo gjë. Rajonal do të thotë këtu, që varet nga incidenca në një qark ose në një qytet që nuk është pjesë e një qarku. Vlera e incidencës në një komunë që i përket një qarku nuk është vendimtare.

Provimet, sidomos provimet përfundimtare, nuk janë mësim në sensin e ligjit federal dhe për këtë arsye nuk preken nga kufizimet e të qenit prezent.

Mundësitë e kujdesit pedagogjik janë krijuar.

## **Çfarë vlen në kopshte dhe çerdhe duke filluar nga një incidencë prej 100 dhe duke filluar nga një incidencë prej 165?**

Deri në një incidencë prej 165, në qarkun ose në qytetin përkatës që nuk i përket një qarku zhvillohet aktiviteti normal i kufizuar.

Kur kalohet incidenca prej 165 përfundon kujdesi në vend. Krijohet një kujdes emergjence i orientuar sipas nevojave.

## **Çfarë vlen për zyrat?**

Pavarësisht nga incidenca 7-ditore vlen: Kompanitë duhet ti ofrojnë punonjësve të tyre në rastin e punës në zyrë, që ti kryejnë ato në banesën e tyre, për sa kohë nuk ekzistojnë arsye detyruese që kushtëzohen nga ndërmarrja. Punonjësit duhet ta pranojnë ofertën, për sa kohë nga ana e tyre nuk ka arsye kundërshtuese. Punëdhënësit janë të detyruar, që ti ofrojnë punonjësve të cilët janë prezent dy teste për çdo javë.

## **Mbeten kishat të hapura në rastin e një incidence prej më shumë se 100?**

Tubimet, të cilat i shërbejnë ushtrimit të fesë (në sensin e nenit 4 të kushtetutës), mbeten të lejuar në përputhje me kërkesat në § 1 pika 3 të rregullores për mbrojtjen kundër koronavirusit.

## **Çfarë ndodh nëse një land federal parashikon rregulla më të rrepta se freni i ri emergjencës që vlen në të gjithë federatën?**

Atëherë vlejnë ato rregulla më të rrepta që janë parashikuar nga landi.

## **Kush kontrollon, nëse rregullat respektohen?**

Respektimi i masave në përputhje me ligjin për mbrojtjen kundër infeksioneve monitorohen edhe tani nga autoritetet përgjegjëse – zyra e rendit publik, zyra e shëndetit publik, policia.

## **Për se bazohemi te incidenca dhe jo te faktorë të tjerë?**

Infeksionet e reja janë një indikator i hershëm për një rritje të infeksioneve. Ngarkesa e rritur që rezulton nga kjo gjë e sistemit shëndetësor (sidomos të njësisve të kujdesit intensiv dhe stacioneve të ventilimit) dhe rastet e vdekjes dalin në pah vetëm pas një vonese të konsiderueshme. Incidenca 7-ditore përcakton luhatjet aktuale ditore të infektimit të reja, ajo publikohet çdo ditë dhe është e lehtë për tu kuptuar nga çdokush.

## **Përse u zgjodhën këto vlera kufi të incidencës dhe jo të tjera?**

Vlera kufi e një incidence 7-ditore prej 100 është identike me pragun e masave mbrojtëse shtesë të përmbledhura deri më tani në urdhëresat e landeve federale dhe gjithashtu edhe nën termin “Freni i emergjencës”. Në rastin e një situatë infektimesh që qëndron qartësisht më lartë, ligjvënësi federal parashikon si të domosdoshme masa më të gjera: me tejkalimin e një incidence prej më shumë se 150 mbylleten e dyqaneve që nuk i shërbejnë furnizimit me

produktet bazë, në rastin e një incidence prej më shumë se 165 ndalimin e mësimit me prezencë.